



Tregu Veror

Rregullat e aplikimit për periudhën 2021

QËLLIMI

Nëse mundemi me sjellë Verë n' Dimër, atëherë mundemi me sjellë edhe Akull n'Verë!

Akull n'Verë, është aktiviteti më i ri kulturor që Komuna e Prishtinës organizon për qytetarët e saj. Si vazhdimësi e traditës për të afruar qytetarët me hapësirën e përbashkët publike, Akull n'Verë organizohet për herë të parë në kryeqytet, pas sukseseve të gjashtë edicioneve më radhë të organizimeve në kuadër të Verë n'Dimër, dhe përçafimit të ngrohtë që qytetarët i kanë dhënë këtyre aktiviteteve. Akull n'Verë po ashtu ju ofron mundësi bizneseve të qytetit që të ofrojnë shërbimet e tyre në shesh, në shtëpizat e drurit të cilat do të vendosen në sheshin "Zahir Pajaziti" kryesisht tek amfiteatri me atmosferë, laramani e këtë herë shumë freski përgjatë sezonës së ngrohtë verore.

RREGULLAT E TREGUT VEROR

1) Vendi dhe orari i punës

Hapja e Tregut do të bëhet më 15 Korrik 2021 në sheshin "Zahir Pajaziti" tek amfiteatri dhe do të qëndroj hapur deri më 15 Gusht 2021. Gjatë kësaj kohe bizneset e përzgjedhura për shtëpiza lejohen të punojnë çdo ditë, nga e hëna në të dielën duke filluar prej orës 10:00 deri në orën 23:00.

2) Kriteret e aplikimit

Përzgjedhja e bizneseve të cilat do të jenë pjesëmarrëse në Tregun Veror do të bëhet nga komisioni në Komunën e Prishtinës. Numri i shtëpizave do të jetë i kufizuar dhe gjithmonë duke respektuar masat kundër Covid-19.



Aplikimi i kriterëve si më poshtë do të jetë përcaktues në mënyrë që përzgjedhja e bizneseve të jetë sa më adekuatë:

- Bizneset do të aplikojnë për produkte ushqimore, laramani të pijeve freskuese si dhe ide të ndryshme të realizueshme me motive verore;
- Bizneset aplikuese duhet të jenë të regjistruara në Administratën Tatimore të Kosovës, me adresë operimi në Komunën e Prishtinës;
- Bizneset aplikuese duhet të jenë pajisur me mjete/vegla të përshtatshme pune për veprimtarinë të cilën do ta ushtrojnë në këtë aktivitet;
- Bizneset aplikuese duhet të paraqesin ofertën me çmimore për artikuj.
- Bizneseve të përzgjedhura do t'u lejohen vetëm 3 shankerica para shtëpizave tyre
- Bizneset e përzgjedhura do t'a kenë obligative që afër shtëpizës t'a kenë shportën për mbeturinat personale

3) Përparësi në përzgjedhje do të kenë:

- Bizneset të cilat promovojnë përdorimin e produkteve lokale/vendore;
- Bizneset që ofrojnë produkte ushqimore inovative në fushën e kulinarisë dhe produkte që kanë të bëjnë me motive të stinës së verës;
- Bizneset të cilat dorëzojnë formën e aplikimit të parat që nga data e njoftimit.

4) Tarifa e shfrytëzimit të shtëpizës

Tarifat për shfrytëzimin e shtëpizave të tregut të fundvitit janë përcaktuar duke u bazuar në rregulloren për shfrytëzimin e hapësirave publike, ku pagesa aplikohet në bazë të hapësirës publike të cilën e zë një shtëpizë. Pra, bizneset e selektuara do të jenë të obliguara të paguajnë paraprakisht shumën prej 10.00 Euro për m² për periudhën e shfrytëzimit të shtëpizës në hapësirë publike.

5) Kodi mirësjelljes dhe obligimet shtesë

Të gjitha bizneset janë të obliguara të tregojnë frymë bashkëpunimi të mirëfilltë në mes tyre. Në mënyrë që ky bashkëpunim të jetësohet sa më mirë, Komuna e Prishtinës gjatë ditëve të Tregut Veror obligon bizneset dhe ndalon rreptësisht aktet si më poshtë:

- Kryerjen e akteve të paligjshme dhe të dhunshme mbrenda zonave të zhvillimit të tregut; Abuzimin verbal ose fizik të personave të cilët përfaqësojnë bizneset shitëse konkurrese, si dhe të blerësve apo qytetarëve të tjerë kalimtarë;
- Shitjen e produkteve të cilat nuk janë paraparë të shiten në asnjërën prej shtëpizave;



- Të gjitha bizneset e përzgjedhura obligohen t'i marrin përsipër shpenzimet e rrymës elektrike, shpenzimet e pastrimit të hapësirës së përbashkët, si dhe shpenzimet e sigurisë për periudhën e shfrytëzimit të shtëpizave;
- Të gjitha bizneset e përzgjedhura obligohen që të bashkëpunojnë me kompanitë e sektorit privat të e mbështesin Komunën e Prishtinës në mbulimin e shpenzimeve shtesë si: Binë, Zërim, Ndriçim, LED, angazhim të artistëve që do të performojnë në aktivitetin veror si dhe shpenzimet shtesë;
- Obligohen të gjitha bizneset e përzgjedhura që pas përfundimit të orarit të punës ta pastrojnë shtëpizën e tyre dhe hapësirën rreth tyre;
- Muzika dhe performancat në hapësirat e Tregut Veror gjatë gjithë kësaj periudhe do të jetë e organizuar dhe e përbashkët. Muzika dhe performancat individuale të bizneseve në shtëpizat e tyre është e ndaluar rreptësisht.
- Të gjitha bizneset janë të obliguara të respektojnë rregullat dhe masat kundër Covid-19.

6) Mënyra e Aplikimit

- Aplikuesit për shtëpizat e destinuara për pije të ftohta, ushqim dhe dhurata me motive të qytetit të Prishtinës, duhet ta dorëzojnë menu të pijeve dhe të ushqimit
- Aplikuesit e përzgjedhur janë të obliguar ti dekorojnë shtëpizat në bazë të dekorit të përcaktuar nga Komuna e Prishtinës , pasi që të gjitha shtëpizat duhet të kenë pamje të njejtë;
- Aplikuesit kanë të drejtë aplikimi vetëm një herë me kartelën identifikuese të një personi juridik;
- Aplikuesit në aplikacion duhet ti bashkëngjeshin dokumentet përcjellëse: kopjet e çertifikatës së regjistrimit të biznesit, çertifikatës fiskale dhe kartelës identifikuese;
- Afati për aplikim: 28 qershor – 02 korrik prej orës 08:30 - 15:00 | Komuna e Prishtinës (ndërtesa e vjetër), sporteli nr.9;
- Plotësimi i aplikacionit të bashkëngjitur

Data e njoftimit të bizneseve të përzgjedhura: 07 korrik, 2021. Më pas njoftoheni se kur duhet të vini ne Objektin e Komunës së Prishtinës për nënshkrimin e kontratës, tërheqjen e shortit për përzgjedhjen e shtëpizës dhe procedurat e mëtejshme.

6) VËREJTJE



Komuna e Prishtinës nuk merr përsipër përgjegjësinë dhe obligimet ndaj Administratës Tatimore të Kosovës rreth arkës fiskale, andaj obligohen të gjitha bizneset e përzgjedhura që kuponët fiskal t'i vërtetojnë (vulosin) në Administratën Tatimore të Kosovës. Nëse nuk zbatohet kodi i mirësjelljes i sqaruar më lartë, bizneset do të sanksionohen me marrjen e lejës për shtëpizë, do të futen në listën e zezë të Komunës së Prishtinës si dhe nuk do të bëhet kthimi i mjeteve të paguara për shfrytëzimin e saj.